


中國方志叢書·華中地方·第三七號

據清·陳霖編輯
清·光緒三十三年刊本
影印

江蘇省

金陵通紀



成文出版社有限公司印行



10096463

中國方志叢書・華中地方・第三七號


據

清・陳霖編
光緒三十三年刊本

影印

江蘇省

金陵通紀



成文出版社有限公司印行



10096464

中華民國五十九年八月臺一版

金陵通紀

全二冊

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

金陵通記

朱孔彰署檢



光緒丁未年
瑞華館彙印

國朝金陵通紀

江甯司馬允寬題

光緒丁未年
瑞華館琴印

凡例

實錄所載不專建康義在夸張事兼南史茲編體例專主謹嚴疆域攸分不敢濫及

日食星變概從闕略惟事涉江表乃牽連得書或詳或否義各有屬

丹溧二邑境連宣州歷陽涂中江浦得半犬牙交錯莫爲丈量至列小乖在所不免閱者諒之

八代諸君建儲立后下逮百職國政朝章非繫地輿不輕泚筆漏略之謂甘之不辭

典關建業無年可編其事其人以類相附建康實錄例也亦腐史合傳體也楊吳南唐一方偏霸改元紀號不繫中原名從主人有春秋之例在

敘

孟子言王豹綿駒之變俗記亦言紫綃之尙由於人豈不信然不誣乎李唐以來憑弔往昔儻侗曰六朝詞章人語爾夫吳自武烈開基忠勤威略赫赫於宇內崇文召賢鼎立蜀魏歷世六七風尙未有牀第之失晉之東謝安始以風流扇俗忘其端揜具瞻之尊當基功之慘而妓女絲竹不改其素歐陽公所謂知勇困於所溺安之謂矣其下化之子夜讀曲矢詞尤猥褻由是言俗之不良者指目六朝而以秦淮爲桑濮數千年來人士委靡若廢疾之不能振非安有以作之俑哉吾友陳君雨生以所纂金陵通紀眎吾吾聞之羿之射有的秋之奕也有道輸之削必有定矩曠之操七絃也必有旋宮之調陳君之纂此書非漫然無所指明矣其書上述遼古下迄殘明甄列史之關乎金陵者備列之不浮譽不隱惡固卓然良史之盛軌矣且於謝傳事不多摺拾獨詳載郡中豐歉憂樂之繇寇亂時諸軍屯戍之地措置先後得失之機後世可奉爲鑒戒最後乃以錢謙益阮大鍼收其禍末亦可以見古昔是非之有定矣夫寇盜侵軼三代

盛時所不免水土柔脆非能用武士果勵節槩宗禮法屏浮蕩勤研乎史籍而
以謝安錢阮之行爲大恥吳志所書士衡所論不難復覩此則陳君是書之大
旨歟光緒六年歲次庚辰五月望日汪士鐸撰

金陵通紀卷一

江甯陳作霖伯雨編輯

黃帝受命披山通道乃推分星野自斗三度至女一度爲江南

高辛之世有展上公者居句曲嘗於伏龍地植李後相傳成道去今茅山王晨觀祀之

堯授舜政肇十有二州地屬揚域

夏禹周行天下至江南登茅山以朝四方羣臣

殷祖甲二十八祀周泰伯以采藥來居句曲山中後入吳

周武王十三年大封諸侯以江南地畀周章是爲吳國

孝王十三年大霸江凍

靈王二年楚公子嬰齊伐吳克鳩茲至於衡山今名橫山在江甯縣東南

十三年楚師於棠以伐吳棠今六合縣

景王七年楚伐吳圍朱方遂滅賴使闔韋龜與公子棄疾城之欲以遷許後楚又與吳戰陷吳固城吳乃移瀨渚於陵平山下改邑曰陵平賴固城瀨渚陵平皆在今溧水高淳

十七年楚亂許圍蔡消等與越常壽過圍固城克息舟城而居之是年楚子居立使蘇迺為將敗吳軍以吳陵平為平陵邑

敬王八年楚殺其大夫伍奢及其子棠君尙次子員奔逃橐載而出昭關至江上漁父渡之夜行晝伏過溧水乞食於擊綿女子遂入吳

十四年吳伍員伐楚開瀆以通漕運在今高淳縣境破固城焚其宮室還過溧水投金於瀨以報女子之德

二十四年吳子闔閭卒夫差立承先世之霸業因山鑄冶立冶城後又築梧宮於句曲山與西子避暑居之

四十年楚公子申公子結伐吳及桐汭在今高淳境時孔子設教於魯吳人言偃

從游學成告歸居句曲今地名其後又有江東駢臂子弓受易商瞿為孔子再

傳弟子今江浦多弓氏皆其後裔也是為聖道南行之始

元王四年越滅吳范蠡築城於長干以圖楚今名越城

安王二十三年越遷於長干

二十六年越太子諸咎弑其君翳葬諸大橫山之下越人旋殺諸咎立乎錯枝
為君

顯王三十六年楚滅越盡有吳故地因山立號置金陵邑

建康實錄云地接華陽金壇之陵故曰金陵

或曰以地有王氣楚王埋金以鎮之金陵之名實始於此

秦始皇帝二十四年滅楚二十六年并天下分三十六郡以金陵地屬鄣郡改

平陵邑為溧陽縣其江北棠邑隸九江郡

二十七年詔役赭衣三千人開馳道

在今上元句容縣境

三十六年帝東巡會稽過丹陽

即今小丹陽在江甯縣境

至錢唐還從江乘浦渡江遂置江

乘縣

今謂為江城在元句容縣界

又以望氣者言金陵有天子氣乃鑿鍾阜斷長隴以通流

水自方山西北巨流環繞至石頭以達於江即今秦淮

改金陵為秣陵縣

是時有方士周太賓及巴陵

侯姜叔茂往來茅山下種五辛菜

今地名姜巴路者是也

未幾茅盈兄弟來居華陽遂分

掌焉

今謂之三茅峯

二世皇帝元年陳涉兵起令葛嬰徇地至東城立襄彊爲楚王尋殺之東城在今江浦境

子嬰元年項籍滅秦江南北地皆爲楚境立英布爲九江王鄣郡棠邑悉屬焉
漢高帝三年九江王布以國歸漢

五年冬十二月漢軍追項籍至陰陵籍迷失道陷大澤中乃復引兵而東至東城僅餘二十八騎漢騎追者數千人籍自度不得脫乃分其騎爲四隊令四面馳下期山東爲三處於時漢軍圍之數重籍大呼馳下斬漢一將與其騎會漢軍不知籍所在分軍爲三復圍之籍馳斬漢一都尉殺數十百人復聚其騎亡兩騎耳乃東走欲渡江烏江亭長檣船以待曰江東雖小地方千里亦足王也願大王急渡今獨臣有船漢軍至無以渡籍笑曰天之亡我我何渡爲且籍與江東子弟八千人渡江而西今無一人還縱江東父老憐而王我我何面目見之乃以所乘騅馬賜亭長令騎皆下馬步行持短兵接戰獨籍所殺漢軍數百人身亦被十餘創遂自刎而死漢將王翳取其頭楊喜呂馬童呂勝楊武各得

其一體故五人皆封列侯楚地悉定以江南北地封韓信爲楚王

陵陽江縣肇城志皆在

今江浦界

六年帝巡雲夢執楚王信歸以楚地分立劉賈爲荆王鄣郡屬焉

是冬封功

臣陳嬰爲堂邑侯

堂邑卽棠邑

十一年淮南王布反賈爲布軍所殺立兄子濞爲吳王王荆故地鄣郡更屬吳

惠帝五年夏旱江竭

呂后三年夏江溢八年夏江又溢

景帝三年吳王濞反濞當文帝時驕蹇不朝大興鼓鑄置冶於江上日益富饒

卽今冶山浦在六合縣界

至是率兵而西爲將軍周亞夫所敗奔歸丹陽保秣陵之越城復

走丹徒東甌王誘殺之

四年徙汝南王非爲江都王治吳故地

武帝元光六年析秣陵地封宗室黨爲句容侯

元朔元年江都易王非薨子建嗣推恩分封王子敢爲丹陽侯胥行爲胡孰侯

纏爲秣陵侯尋皆薨國除

元狩二年江都王建有罪自殺地盡入於漢

元鼎元年以堂邑縣屬臨淮郡

二年詔以江南水潦振救飢民

元封二年更鄣郡爲丹陽郡秣陵胡孰江乘句容溧陽丹陽皆隸焉又析溧陽

南置永平尋廢

五年置十三部刺史而丹陽郡屬揚州臨淮郡屬徐州

宣帝本始四年以黃霸爲揚州刺史三歲遷何武代之

新莽始建國元年更定郡縣名改江乘曰相武秣陵曰宣亭以堂邑縣隸淮平

郡

地皇三年遣使者章邑賫黃金百鎰銅鐘五枚贈於句曲三仙君

東漢光武建武三年遣積弩將軍傅俊將兵徇江東揚州悉定郡縣名皆復舊

堂邑改屬廣陵郡胡孰爲侯國